



«Նոր ժամանակի կրթություն» ՀԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

Հետազոտության թեման՝

«Դասի պլանավորում: Ուղիղ հրահանգումով դասավանդման արդյունավետությունը աշխարհագրության դասաժամերին»

Առարկան՝

Աշխարհագրություն

Հետազոտող ուսուցիչ՝

Անդրեասյան Աննա

Ուսումնական հաստատություն՝

Արևածաղի Կ. Մելիքսեթյանի անվան միջնակարգ դպրոց

Երևան 2023

ԲՈՎԱՆԴԱԿՈՒԹՅՈՒՆ

Ներածություն	3
ՈԻՀԴ կառուցվածքը	4
1. <i>Դասի սկիզբ</i>	5
2. <i>Նոր նյութի ներկայացում</i>	8
3. <i>Գործնական աշխատանք</i>	9
4. <i>Ինքնուրույն աշխատանք</i>	11
5. <i>Դասի ավարտ</i>	12
Եզրակացություն	13
ՈԻՀԴ դասապլանի ձևանմուշ	14
Օգտագործված գրականություն.....	17

ՆԵՐԱԾՈՒԹՅՈՒՆ

Աշխարհում կան դասապլանների կազմության տարբեր մեթոդներ: Բազմաթիվ ուսումնասիրություններ տարբեր միջավայրերում ցույց են տալիս, որ այն աշակերտները, ովքեր ուղիղ հրահանգումով կրթություն են ստանում, զգալիորեն ավելի մեծ ձեռքբերումներ ունեն, ավելի լավ են հանդես գալիս դպրոցում և ունեն ավելի բարձր ինքնագնահատական, քան այլ մեթոդներով ուսումնառություն ստացող աշակերտները:

Ուղիղ հրահանգումով դասավանդումը /այսուհետ՝ ՈԻՀԴ/ ուսուցման մոդել է, որտեղ գիտելիքի ու հմտության փոխանցումը բաժանված է նախապես մանրամասն մշակված, փոքր, կազմակերպված հերթականությամբ քայլերի, ուսուցիչը ներկայացնում է կոնկրետ քանակի տեղեկատվություն կոնկրետ ժամանակի համար, նախապես հստակ սահմանված են ուսումնական վերջնարդյունքները: (*Hattie, 2009*)

Ուղիղ հրահանգումով դասավանդման մոդելն արդիական մեթոդ է իրենից ներկայացնում եւ նախատեսում է ձեւավորել ինքնուրույն սովորող, նախաձեռնող եւ վերլուծող աշակերտ: Սրանով է պայմանավորված նրա ուսումնասիրման կարեւորությունն ու կիրառումը: Այն զարգացնում է մի շարք առանցքային կոմպետենցիաներ, այդ թվում՝ սովորել սովորելու, ինքնաձանաչողություն եւ սոցիալական, թվային եւ մեդիա կարողությունները և այլն:


Հետազոտական աշխատանքը պատրաստելիս մեծապես օգտվել եմ Դասավանդի՛ր, Հայաստան կրթական հիմնադրամի նյութերից: Իմ կազմած ՈԻՀԴ մոդելով դասապլանը ևս կազմվել է ԴՀ-ի հետ աշխատանքի ընթացքում:

ՈՒՀԴ ԿԱՌՈՒՑՎԱԾՔԸ


ՈՒՀԴ մոդելը այս բոլոր մոդելների ամբողջությունն է, որն իր մեջ ներառում է դասի կազմակերպման 5 քայլ՝

1. Դասի սկիզբ/խայծ
2. Նոր նյութի հաղորդում
3. Գործնական աշխատանք
4. Ինքնուրույն աշխատանք
5. Դասի փակում/ավարտ

Այս հինգ փուլերը հերթագայում են մեկը մյուսին և ապահովում դասի շարունակական ընթացքը:



Նոր նյութի ներկայացումից մինչև Ինքնուրույն աշխատանքի փուլը պատկերավոր կարելի է ներկայացնել երկու եռանկյունների միջոցով, որտեղ երևում է ամեն փուլում ուսուցչի և աշակերտի կատարած աշխատանքների համամասնությունը: Նոր նյութի բացատրության ժամանակ ուսուցչի մասնաբաժինն ամենամեծն է և փուլերին համընթաց փոքրանում է՝ տեղը զիջելով աշակերտի աշխատանքի մեծացմանը: Վերջինս իր առավելագույն ծավալին է հասնում Ինքնուրույն աշխատանքի կատարման ժամանակ:



Առանձին կետերով դիտարկենք դասի յուրաքանչյուր փուլը:

1. Դասի սկիզբ

Յուրաքանչյուր հաղորդակցության մեջ կարելու է սկիզբը: Մարդկանց մոտ սովորաբար տպավորվում է հաղորդակցության սկզբի եւ վերջի հատվածները: Հաղորդակցման առաջին րոպեներին է մարդը որոշում դիմացինին լսել, թե ոչ: Այդ առումով դասի հաջող սկիզբը շատ կարևոր է: Եթե ուսուցչին հաջողվի դասի առաջին րոպեներին գրավել աշակերտների ուշադրությունը, ապա դա էապես կնպաստի դասի արդյունավետ ընթացքին: *Դասի սկզբին կիրառվող որոշ մեթոդներից են. Խորհրդավորությունը, գուշակությունը, զարմանքն ու անսպասելիությունը, մեջբերումները, ԳՈՒՄ-ը, մտազրոհը և այլն:*

Դասի հանդեպ հետաքրքրությունը՝ խայծն ապահովելուց հետո կարելի է ներկայացնել վերջնարդյունքները, որպեսզի աշակերտն իմանա, թե դասի ավարտին ինքն ի՞նչ արդյունքի է հասնելու:

Ուսումնասության վերջնարդյունքները սահմանվում են ուսուցչի կողմից, բայց արտացոլում են այն ուսումնական արդյունքները, որոնք սովորողներն են ունենալու: Դրանք պետք է լինեն չափելի ու հստակ, որպեսզի հնարավոր լինի գնահատել:

Վերջնարդյունքներ ձևակերպելն օգնում է ուսուցիչներին հստակեցնել, թե ինչ պետք է անեն աշակերտները ամբողջ դասի ընթացքում՝ սկզբից մինչև վերջ, եւ ինչ վերջնարդյունքի հասնեն: (Zhou, 2017) Անհրաժեշտ է ներկայացնել, թե աշակերտները


- ինչ են սովորելու
- ինչու է դա կարևոր,
- ինչպես է դա կապված նախորդ դասի հետ՝ ակտիվորեն ներգրավելով աշակերտներին ու հետաքրքրելով:

Դասի վերջնարդյունքի հստակ սահմանումից է կախված, թե որ ուղղությամբ կշարժվեք և այդ ճանապարհին ինչ գործիքներ կամ մեթոդներ կընտրեք: Դասի վերջնարդյունքները սահմանելիս պետք է առաջնորդվել հետևյալ չափանիշներով. հնարավորություն տալ աշակերտներին

- *ստանալ գիտելիք*
- *կիրառել ստացած գիտելիքը*
- *կատարել գիտելիքի վերլուծություն*


Վերջնարդյունքները սահմանելիս պետք է խուսափել այն բայերի կիրառությունից, որոնց արդյունքը չափելի կամ տեսանելի չէ: Օրինակ՝ «Աշակերտները կսովորեն Իտալիայի տեղը» վերջնարդյունքը սխալ է ձևակերպված, փոխարենը ճիշտ կլինի ասել՝ «Աշակերտները քարտեզի վրա ցույց կտան Իտալիա

ԲԼՈՒՄԻ ՏԱՔՍՈՆՈՄԻԱ



պետությունը»: Պետք է խուսափել «սովորել, իմանալ, հասկանալ» անորոշ բայերից:

Ճիշտ վերջնարդյունքներ կազմելու համար օգնության են հասնում Բլումի տաքսոնոմիայի բայերը: ՈԻՉԴ դասապլանն ինքնին Բլումի աստիճանակարգի իրագործումն է: Վերջնարդյունքներն անպայման պետք է լինեն չափելի, հստակ, հավակնոտ, իրատեսական և ժամանակային, այսինքն՝ SMART:



S- Specific (Հաստուկ) — Ի՞նչ էք ցանկանում անել:

M- Measurable (Չափելի) — Ինչպե՞ս էք չափելու Ձեր արդյունավետությունը և իմանալու, թե ե՞րբ էք հասել Ձեր վերջնարդյունքին:

A- Attainable (Հասանելի) — Ունե՞ք արդյոք բոլոր այն հմտություններն ու աղբյուրները Ձեր վերջնարդյունքին հասնելու համար:

R- Relevant (Իրատեսական) — Արդյո՞ք Ձեր վերջնարդյունքը համապատասխանում է Ձեր տեսլականին:

T- Time-based (Ժամանակավոր) - Ե՞րբ է վերջնաժամկետը և արդյո՞ք այն իրատեսական է:

2. Նոր նյութի ներկայացում

Նոր նյութի ներկայացմանը պատրաստվելիս անհրաժեշտ է ուշադրություն դարձնել հետևյալ երեք կետերին.

1. Բովանդակություն */ի՞նչ են սովորելու և ինչու՞ է կարևոր տվյալ նյութը/:*
2. Ձև */ինչպե՞ս են սովորելու նյութը. մեթոդների և գործիքների ընտրություն/:*
3. Ընկալման ստուգում */որքանո՞վ են սովորողներն ընկալել նոր նյութը/:*

Նոր նյութի բացատրության ժամանակ պետք է հաշվի առնել այն հանգամանքը, որ աշակերտը միանգամից չի կարող շատ բան սովորել: Հետազոտությունները ցույց են տվել, որ երեխան մեկ դասի ընթացքում կարող է միջինում սովորել 4-7 նոր բան՝

- նոր բառեր
- նոր հասկացություններ
- նոր դրույթներ

(Խաչատրյան, 2020)

Նոր նյութի կարելու դրույթները պետք է բխեն դասի վերջնարդյունքներից: Հետևաբար՝ նոր նյութը բացատրելիս ուսուցիչը պետք է ուշադիր լինի, որպեսզի չգերազանցի այդ ծավալը: Ծավալը գերազանցելու դեպքում աշակերտի աշխատանքային հիշողությունը չի կարողանում հասկանալ նոր նյութը: Այդ առումով նոր նյութ բացատրելիս շատ կարելու է այն փոքր կտորներով բացատրելը: 5-7 բույս նյութ ներկայացնելուց հետո անհրաժեշտ է կանգ առնել, հարցերի միջոցով պարզել՝ արդյո՞ք հասկանում են երեխաները նոր ներկայացված նյութը: Այս ևս 5-7 բույս ծախսել նոր նյութի մատուցման վրա: Որոշ սովորողներ նյութն ավելի խորը եւ հեշտ են ըմբռնում տեսողական միջոցների կիրառության, մյուսները՝ լսողական ճանապարհով: Չափահաս մարդու գիտելիքի 75%-ը ձեռք է բերվում տեսնելու միջոցով, 13%-ը՝ լսելու, իսկ 12%-ը՝ շոշափելու, հոտ քաշելու և համտեսելու միջոցով: Հետևաբար Նոր նյութը ներկայացնելիս հնարավորության դեպքում ազդեք սովորողների հինգ զգայարանների վրա՝ նոր նյութը բացատրելիս կարևոր է օգտագործել քարտեզներ, պաստառներ,

գծագրեր, նկարներ, շարժումներ: Ապացուցված է, որ աշակերտներն ավելի լավ են սովորում, երբ խոսքն ու պատկերը զուգակցվում են: Նոր նյութի մատուցման փուլում շատ կարևոր է նաև արդեն իմացածի հետ կապակցումը: Մարդը սովորում է այն դեպքում, երբ կարողանում է նոր գիտելիքը կապակցել արդեն իմացածի հետ: Հետևաբար՝ նոր նյութը պետք է անընդհատ կապակցել նախկինում ուսումնասիրված նյութի հետ:

Նոր նյութի մատուցման մեթոդներից են. Սատանայի հնար, Գենտրոններով աշխատանք, Վենի դիագրամ, T-ձև աղյուսակ, Դասի զեկուցող և այլ մեթոդները:

Նյութի բացատրությունից հետո, մինչև հաջորդ փուլին անցնելը, պետք է կատարել ընկալման ստուգում: Ընկալման ստուգումներն օգնում են հասկանալ, թե

- որքանո՞վ են նոր նյութը հասկացել սովորողները
- ի՞նչն է, որ դեռևս կիսատ են ընկալել
- արդյո՞ք բոլորն են ընկալել նոր նյութը

Հարցադրումները պետք է կազմել նախապես՝ հետևելով նշված կետերին.

- Հարցը ներկայացնել ողջ դասարանին:
- Տրամադրել բավարար ժամանակ մտածելու համար:
- Հարցերի միջոցով ուշադրության կենտրոնում պահել թե՛ այն սովորողներին ովքեր պատասխանել են, թե՛ նրանց ովքեր չեն պատասխանել:
- Ստեղծել ապահով միջավայր, որտեղ յուրաքանչյուր աշակերտ իրեն գնահատված և լսելի է զգում ու չի վախենում սխալվելուց:

3. Գործնական աշխատանք

Գործնական աշխատանքի ժամանակ ուսուցիչը ուղղորդում է սովորողներին, որպեսզի գործնականորեն կիրառեն նոր ձեռք բերված գիտելիքն ու հմտությունը: Այս աշխատանքի ընթացքում կարևոր է, որ ուսուցիչն օգնի երեխաներին օրինակներով և հստակեցնի անհասկանալի մասերը: Անհրաժեշտ է, որ ուսուցիչը ուսումնառությունը կազմակերպի այնպիսի մեթոդներով, որոնց շնորհիվ աշակերտը դառնում է

դասապրոցեսի առաջնային մասնակից և նոր նյութը սովորում է ոչ ուսուցչի մատուցմամբ, այլ ուսուցչի ուղղորդմամբ:

Գործնական աշխատանքի իրականացումը երկու կողմից է մեծ ներազդեցություն ունենում ինքնառաջնորդվող և առաջնորդող անհատի ձևավորման հարցում:

Առաջինը՝ շարունակական կրթության, կրթության կիրառականության կարևորությունն է ընգծվում: Աշակերտը սովորում է և սովորածը կարողանում է կիրառել, ստեղծում է միջառարկայական և վերառարկայական կապեր: Նույն երևույթին նայում է տարբեր տեսանկյուններից, ուսումնասիրում է բոլոր կողմերից:

Երկրորդ մեծ ազդեցությունն այն է, որ այս ուսումնառության ընթացքում աշակերտը դառնում է հիմա և այստեղ սովորող, հիմա և այստեղ իր սովորած նյութի կարևորությունն ու կիրառականությունը ընկալող անհատ: Գիտելիքը նյութականանում է իր իսկ ստեղծածի շնորհիվ:

Գործնական աշխատանքը կարող է իրականացվել՝

- անհատական
- զույգերով
- խմբերով

Գործնական աշխատանքի հիմնական նպատակներն են.

- սոցիալական հմտությունների ձևավորում և զարգացում
- համագործակցային շփման խթանում, զարգացում
- տեսական նյութը գործնականում իրականացնելու հնարավորություն
- առաջնորդության զարգացում
- անհատի ինքնադրսևորման հնարավորություն
- ժամանակի կառավարում

Գործնական աշխատանքի իրականացման եղանակներ կարող են լինել 6 գլխարկի մեթոդը, PNI -Pozitive, Negative, Interesting, գծապատկերների կազմումը, T – ձև աղյուսակը, Վենի դիագրամը, խաչքառերը, քարտեզագրումը, բանավեճն ու դերախաղը, աշակերտների հետ տեսաձայնային նյութերի դիտումը և մեկնաբանումը:

Գործնական աշխատանքի հրահանգները տալուց հետո պարտադիր է տալ նախապես պատրասված ստուգման հարցերը.

- Ի՞նչ ենք անում
- Ինչպե՞ս ենք անում
- Որքա՞ն ժամանակ ունենք:
- Ի՞նչ ենք անում ավարտից հետո:

4. Ինքնուրույն աշխատանք

Մարդը հիշում է՝

կարդացածի 10%

լսածի 20%

տեսածի 30%

տեսածի և լսածի 50%

ինքնուրույն կատարվածի 90%

Гребенюкова В. И., 2014, с. 75

Ինքնուրույն աշխատանքը նոր նյութի և գործնական աշխատանքի տրամաբանական շարունակությունն է: Այս փուլում աշակերտներն առանց ուսուցչի միջամտության կիրառում են այդ դասին սովորածը: Վերջինս օգնում է ուսուցչին հասկանալ, թե աշակերտներից ՅՈՒՐԱՔԱՆՉՅՈՒՐԸ որքանով է ընկալել նոր նյութը: Ինքնուրույն աշխատանքը պետք է ներառի բարդության տարբեր մակարդակներ՝ գիտելիք, կիրառություն, քննական մտածողություն:

Ինքնուրույն աշխատանքի հրահանգները պետք է լինեն հստակ ձևակերպված, հասկանալի բոլորի համար: Հրահանգից հետո կարևոր է կատարել ընկալման ստուգում՝

- Ի՞նչ ենք անելու:
- Ինչպե՞ս ենք աշխատելու:
- Ի՞նչ ենք անելու <<Ավարտ>> հրահանգից հետո:

- Ինչքա՞ն ժամանակ ունենք աշխատանքը կատարելու համար:

Ինքնուրույն աշխատանքի իրականացման ձև կարող է լինել խաչքառը, խնդիրների լուծումը, թեստը, զեկույցը, շարադրությունը:

Երբեմն, կախված դասի տեսակից և ծավալից, ինքնուրույն աշխատանքը նպատակահարմար է հանձնարարել տանը:

5. Դասի ավարտ

Դասի ավարտից հետո ուսուցիչն իր համար անպայման պետք է նդրադարձ կատարի դասի ընթացքին և վերլուծի՝ ի՞նչը լավ ստացվեց, ինչո՞ւ, ի՞նչը կիսատ մնաց, ինչո՞ւ: Դասի ավարտական փուլում անհրաժեշտ է աշակերտների կողմից անդրադարձ կատարել դասի վերջնարդյունքներին, տեսնել դրանց իրագործումը: Աշակերտներն այդ վերջնարդյունքները պետք է կարողանան կապել մեծ նպատակի հետ: Այնուհետև կարևոր է տնային հանձնարարության տեսանելի ներկայացումը օրինակ պաստառի, գրատախտակի կամ էկրանի վրա գրելով:

Դասի ավարտին կիրառվող մեթոդներից են. Արագ պտույտը, Ելքի քարտերը, Կպչուն հարցը, Ամփոփում նախադասությամբ, Զույգերով ամփոփում, Համեմատություն-փոխաբերություն, ԳՈՒՄ, Երկու բան և այլ մեթոդներ:

Դասի ավարտին պետք է հատկացնել ամենաքիչ ժամանակը՝ 2-5 րոպե:

ԵԶՐԱԿԱՑՈՒԹՅՈՒՆ

Ուսումնասիրելով բոլոր մեթոդներն ու այդ մեթոդների մոդել կազմող ուղիղ հրահանգումով դասավանդումը եզրակացրեցի, որ

- Սովորողների առաջադիմությունն ու կրթության եւ գիտելիքի նկատմամբ հետաքրքրությունը խթանելու համար անհրաժեշտ է մշտապես յուրաքանչյուր դաս ներկայացնել նորովի՝ նոր մեթոդներով, տեխնոլոգիաներով
- Սովորողներն ավելի ինքնուրույն մտածող են դառնում, երբ ուսուցչի կողմից նոր նյութի հաղորդումն ու ներկայացումը ավելի սեղմ է, դրա փոխարեն գործնական աշխատանքներն ավելի ընդլայնված՝ խթանելու համար սովորողի ինքնուրույն եւ թիմային աշխատանքները:
- Ավանդական մեթոդները միտված են տալու միայն գիտելիք եւ ավելի քիչ չափաբաժնով կարողունակություն, իսկ արդի մեթոդները պատրաստում են կարողունակություններով օժտված, վերլուծող, տրամաբանող, ստեղծագործող աշակերտներ:

Ստորև ներկայացնում եմ ՈՒՀԴ դասապլանի իմ օրինակը, որը համապատասխանում է վերը նշված բոլոր չափանիշներին և կետերին (տե՛ս Հավելված 1):

ՈՒՀԴ ԴԱՍԱՊԼԱՆԻ ՁԵՎԱՆՄՈՒՇ

Հավելված 1

Ձևանմուշը ստեղծվել է Դասավանդի՛ր, Հայաստան կազմակերպության հետ աշխատանքի ընթացքում և առանց հեղինակի թույլտվության արտատպելն ու օգտագործելը խստիվ արգելվում է:

ՈւՀԴ դասապլան Աննա Անդրեասյան

[Կառավարի լրացման տեսությունն օգտագործող
Մեթոդական ուղեգր](#)

ՊՈԱԿ դպրոց	Ամսաթիվ	Ատարկա
Արևածագի միջն. դպրոց Ոսուցիչ	15.09.2023	Աշխարհագրություն Թեմա (Էջ)
Աննա Անդրեասյան	8-րդ դաս., 10 աշակերտ	«Արլ. Եվրոպա. կազմը, աշխարհագրական դիրքը, բնական պայմանները և ռեսուրսները» էջ 11-13
Կարևոր հղումներ և կիսամյակային արդյունքներ (Տեղադրել հղումներ)	<ul style="list-style-type: none"> Դասագրքակ Դասագիրք Թեմատիկ պլան 	<ul style="list-style-type: none"> Ակադեմիական հայտորոշիչ թեստի վերլուծություն Առաջնորդական կարողունակությունների վերլուծություն
Դասի վերջնարդյունքներ		
<i>Ինչ կկարողանան անել աշակերտները դասի ավարտին: Օգտվել Երևանի մարզպետի աստիճանակարգից ԱՄԱԾՑ վերջնարդյունքներ սահմանելու համար:</i>		
<ul style="list-style-type: none"> Ցույց տալ բարտեզի վրա Արլ. Եվրոպայի տարածքը, կազմում գտնվող երկրները: Թվարկել Արլ. Եվրոպայում առկա օգտակար հանածոները: Ներկայացնել Արլ. Եվրոպայի կազմի ձևավորման ընթացքը: Վերլուծել Արլ. Եվրոպայի աշխարհագրական դիրքի առանձնահատկությունները Հիմնավորել, թե ըստ ունեցած ռեսուրսների, Արլ. Եվրոպայի երկրներում տնտեսության իր ճյուղերը կարող են զարգանալ: 		
Առաջնորդական կարողունակություններ		
<i>Հիմնվելով առաջնորդության հայեցակարգի վրա՝ ո՞ր կարողունակություններն են ուզում զարգացնել ձեր և ձեր աշակերտների համար: Մեկ դասի շրջանակներում ցանկացի է սահմանել 1-2 կարողունակություն՝ իրատեսակությունը պահպանելու նպատակով:</i>		
Ոսուցչի կարողունակություններ <i>Նշեք թե ինչ քայլերով եք զարգացնելու Նշված կարողունակությունը դասի ընթացքում:</i>		Աշակերտի կարողունակություններ <i>Նշեք թե ինչ քայլերով եք զարգացնելու Նշված կարողունակությունը դասի ընթացքում:</i>

ԱՄՐՎՊՐԴԵԼ ՊԼՏԿԱՆԵԼՈՒԹՅԱՆ ԶԳՍՈՒՄԸ.

- Դասի ընթացքում ոսուցիչն ուշադրություն է դարձնում, որ բոլորին հնարավորություն տա կարծիքը արտահայտելու:
- Դասի առաջադրանքները կազմում է բազմատեսակ՝ հնարավորություն տալով յուրաքանչյուր աշակերտին ինքնարտահայտվել և ներգրավվել:

ԻՆՔՆԱԿԱՏԱՐԵԼԱԳՈՐԾՎԵԼ.

- Աշակերտները վերլուծում են իրենց հոյգերը, մտքերը, արժեքներն ու վարքը՝ միաժամանակ զարգացնելով ինքնակառավարման հմտություններ:

Անհրաժեշտ պարագաներ <i>Ինչ դիմակալի պարագաներ և նյութեր են անհրաժեշտ դասի ամեն փուլի համար:</i>	Բանալի հասկացությունները <i>Ինչ կարևոր հասկացություններ, անվանումներ և սահմանումներ են սովորելու աշակերտները:</i>	Պնաստուում <i>Ինչպե՞ն են չափելու աշակերտների առաջընթացն ու դասի վերջնարդյունքները:</i>
<ul style="list-style-type: none"> • Եվրոպայի ֆիզ. և քաղ. քարտեզներ • գունավոր թղթեր 	<ul style="list-style-type: none"> • /չգիտեմ, բոլոր պետությունների անունները գրե՛մ, որոնք որ նոր են սովորելու: Թվով 10-ն են/ • Արևելյան Եվրոպա • ՏԱԴ և ԶԱԴ • Օգտակար հանածոներ • Դոնեցկի ածխային ավազան • Վոլգա, Դանուբ, Դնեպր, Վիսլա գետեր 	<ul style="list-style-type: none"> • Գործնական աշխատանք • Ինքնուրույն աշխատանք • Հարցադրումներ

Դասի սկիզբ (6 րոպե)

Այս հատվածում պետք է բացատրել «ինչո՞ւ» կարևոր դրույթը և կապել այն մեծ նպատակի հետ: Գրել ինչպես, ինչ մեթոդով, եղանակով է իրականացվելու դասի սկիզբը, ինչ հրահանգներ և հարցեր են տրվելու: Նշել ուսուցչի և աշակերտների գործողությունները:

<p>Պլանավորման ուղղորդումներ</p> <p>◆ Անհրաժեշտ է ներկայացնել</p> <p><input type="checkbox"/> վարքային և այլ սպասելիքները</p> <p><input type="checkbox"/> դասի թեման և վերջնարդյունքները</p> <p><input type="checkbox"/> դասի կարևոր դրույթներն ու բառապաշարը</p> <p><input type="checkbox"/> կապը նախորդ գիտելիքի հետ</p> <p><input type="checkbox"/> խթանիչ վարժություն (եթե կա)</p>	<p>Ձերմացում - Պատկերացրե՛ք՝ Եվրոպա մեկնելու տոմս եք նվեր ստացել: Ո՞ր երկիրը կցանկանայիք մեկնել և ու՞մ հետ: Ինչու՞:</p> <p>Յուրաքանչյուր երկիր հետաքրքիր է յուրովի, իսկ ճամփորդելու համար պետք է ունենալ լավ ընկեր:</p> <p>Անդրադարձ վերջնարդյունքներին:</p>
--	--

Նոր նյութի ներկայացում (15 րոպե)

Անհրաժեշտ է ներկայացնել դասի «ինչ»-ն ու «ինչպես»-ը: Բացատրել նոր նյութը, տրամադրել հրահանգներ, բերել օրինակներ և կատարել ընկալման ստուգում:

<p>◆ Պլանավորման ուղղորդումներ</p> <p>Անհրաժեշտ է՝</p> <p><input type="checkbox"/> բացատրել դասի կարևոր դրույթներն ու սահմանումները</p> <p><input type="checkbox"/> նոր նյութի միջոցով խթանել բարձր կարգի մտածողություն</p> <p><input type="checkbox"/> ընկալման ստուգման հարցերն ուղղել գիտելիք հասկացման ստուգմանն ու վերլուծական մտածողությանը</p>	<p>Նախապես զգուշացնել, որ նյութի բացատրությունից հետո կատարելու են գործնական աշխատանք, որտեղ պետք է աղյուսակ լրացնեն: Անհրաժեշտ է ուշադիր լինել, որպեսզի կարողանաք մտապահել:</p> <p>Հարցեր՝</p> <ol style="list-style-type: none"> 1. Ինչպե՞ն է Եվրոպան բաժանվում Ասիայից 2. Ինչու՞ է անհրաժեշտ կատարել տարածաշրջանային բաժանում <p>Նյութի բացատրությունն ուղեկցել բարտեզի վրա ցուցադրության, պետություն-մայրաքաղաքների ցուցակագրման և հարց ու պատասխանի միջոցով:</p>
<p>◆ Ընկալման ստուգում</p> <p><i>Գրել ընկալման ստուգման հարցերը, որոնք պլանավորում եք ներկայացնել գործնական աշխատանքից առաջ, նոր նյութի ընկալումը ստուգելու և քննական մտածողությունը խթանելու համար:</i></p>	<ol style="list-style-type: none"> 1. <i>Քանի՞ պետություն կա Արլ. Եվրոպայի կազմում:</i> 2. <i>Ինչ բնական ռեսուրսներով է հարուստ Արլ. Եվրոպան:</i> 3. <i>Վշխարհագրական դիրքի ինչ առանձնահատկություններ ունի Արլ. Եվրոպա տարածաշրջանը:</i>

Գործնական աշխատանք (10 րոպե)

Անհրաժեշտ է նոր գիտելիքն ու հմտությունը կիրառելու հնարավորություն ստեղծել՝ կապելով այն դասի վերջնարդյունքների և նոր նյութի հետ: Գրել՝ ինչպես, ինչ մեթոդով/ եղանակով է իրականացվելու գործնական աշխատանքը, ինչ հրահանգ/հրահանգներ են տրվելու: Լշել՝ ուսուցչի և աշակերտների գործողությունները, վարժային ակնկալիքները:

<p>◆ Պլանավորման ուղղորդումներ</p> <p>Անհրաժեշտ է՝</p> <ul style="list-style-type: none"> <input type="checkbox"/> ապահովել համագործակցություն <input type="checkbox"/> դիտարկել աշխատանքը <input type="checkbox"/> տրամադրել անհրաժեշտ աջակցություն <input type="checkbox"/> համոզվել, որ ներկայացված նոր նյութն օգնեց աշակերտներին առաջադրանքը կատարելիս 	<p>Մեթոդ՝ «PNI»</p> <p>Բաժանվել թիմերի 1-3 հաշվարկով, տեղերում գծել եռաբաժան աղյուսակ, որտեղ ըստ բաժինների անհրաժեշտ է լրացնել Արևելյան Եվրոպայի վերաբերյալ դրական (Positive), բացասական (Negative) և հետաքրքիր (Interesting) տվյալները:</p> <p>Թիմի ներսում կարելի է կատարել աշխատանքի բաժանում, պետք է աշխատել անաղմուկ, վերջացնելուն պես բարձրացնել զրիչները: Աշխատանքի կատարման համար տրվում է 6 րոպե, ներկայացնելու համար՝ 2-ական:</p>
<ul style="list-style-type: none"> <input type="checkbox"/> համոզվել, որ աշակերտները մասնակցում են, միմյանց լսում ու աջակցում են <input type="checkbox"/> հավաստիանալ, որ կատարվող աշխատանքը կազմակերպված է 	<p>Չրահանգի ընկալման հարցեր՝</p> <p>Ի՞նչ ենք անելու:</p> <p>Ինչպես ենք անելու:</p> <p>Որքան ժամանակ ունենք:</p>

Ինքնուրույն աշխատանք (5 րոպե)

Գրել թե՛ ինչ ինքնուրույն աշխատանք է պատրաստված աշակերտների համար: Ինքնուրույն աշխատանքը պետք է արտացոլի դասի վերջնարդյունքները և կապված փնի դասի նախորդ փուլերի հետ: Լշել՝ առաջադրանքի հրահանգը, ուսուցչի և աշակերտների գործողությունները, աշակերտների վարժային ակնկալիքները:

<p>◆ Պլանավորման ուղղորդումներ</p> <p>Անհրաժեշտ է</p> <ul style="list-style-type: none"> <input type="checkbox"/> ապահովել առաջադրանք, որը խթանում է աշակերտների քննական մտածողությունը <input type="checkbox"/> հնարավորություն տալ աշակերտներին ինքուրույն աշխատելու 	<p>Ազատ շարադրանքի մեթոդ</p> <p>Արդեն ունենալով որոշակի ինֆորմացիա Արլ. Եվրոպա տարածաշրջանի մասին, մտածել, թե ըստ ունեցած ռեսուրսների Արլ. Եվրոպայի երկրներում տնտեսության ի՞նչ ճյուղերը կարող են զարգանալ: Մտքերը շարադրել առնվազն 3 նախադասությամբ:</p>
--	--

Դասի ավարտ (5 րոպե)

Անփոփել դասի վերջնարդյունքները և կարևոր դրույթները: Աշակերտների հետ քննարկել սովորածի կարևորությունն ու հետագա կիրառությունը: Բացատրել տևային հանձնարարությունը և հաջորդիվ քայլերը:

<p>◆ Պլանավորման ուղղորդումներ</p> <p>Անհրաժեշտ է՝</p> <ul style="list-style-type: none"> <input type="checkbox"/> անդրադարձ կատարել աշակերտների վարքին եւ կատարողականին (զնահատում/ խրախուսանք) <input type="checkbox"/> հետադարձ կապ տրամադրել դասին 	<p>Ուսուցիչն աշակերտների միջոցով անդրադարձ է կատարում դասի վերջնարդյունքներին:</p> <p>(Մեթոդ՝ «Անավարտ նախադասություններ»)</p> <p>Աշակերտները թերթիկների վրա գրում են՝</p> <ul style="list-style-type: none"> • Ես այսօր սովորեցի • Ինձ դուր եկավ..... • Այս թեման կարևոր է, որովհետև • Կուզեի հաջորդ դասին
--	---

ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

- [Խաչատրյան, Ս. \(2020\), Ուսուցման արդյունավետ հնարներ, Երևան.](#)
- Խաչատրյան Ս., Դավթյան Մ. (2019), Դասավանդման ժամանակակից մոտեցումներ ու մեթոդներ, Երևան
- [Anderson, L. W., & Krathwohl, D. R. \(2001\). A taxonomy for learning, teaching, and assessing, Abridged Edition. Boston, MA: Allyn and Bacon.](#)
- [National Institute for Direct Instruction \(NIFDI\)](#)
- Clark, R. (2020). How to Create a Presentation. Yerevan, Armenia: Teach For Armenia
- Hattie, J. (2009). Visible Learning. Abingdon, UK: Routledge.
- Yendol-Hoppey, D. and Dana, N.F. (2010). Powerful Professional Development. California: Corwin.
- [Zhou, H. \(2017\). Why Does Writing Good Learning Objectives Matter. Retrieved on 27 April 2020](#)
- Выготский Л. С., (1926), Педагогическая психология, Москва
- Гребенюкова В. И., (2014), Активные и интерактивные методы обучения, учебное пособие Нижневартвоск